

آبونه شماره ۱۳۰

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدور .

[نسخه ی غروش ،
سنه لکی ۵۲ نسخه در]

داره خانه

باب عالی جاده سنده دائره مخصوصه

امطارات

آبونه بدلی پشیندر

مسلكه موافق آثار مع الممنونیه
قبول اولتور . درج ایدله یین
یازیلر اعاده اولونماز .

کتابخانه

۱۳۳۴

دینی ، فلسفی ، علمی ، ادبی هفته لقی مجموعه اسلامیه در

صاحب و مذیر مسئول
اشرف ادیب

باش محرر
محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

عدد : ۳۶۱

۲۵ رمضان ۱۳۳۶

پنجشنبه

۴ تموز ۱۳۳۴

جلد ۱۴

امطارات

آدرس تبدیلنده آبرجه بش
غروش کوندردلیدر .

مکتوبلرک ، امضالری واضح
واوقوناقلی اولسی و آبونه صره
نومسورسینی محتوی بولمسی لازمدر

ممالک اجنبیه ایچون آبونه
اولانلرک آدرس لری نك فرانسه
جده یازلمسی رجا اولتور .

پاره کوندردلیدیکی زمان نهیه
دائر اولدیغنك واضحاً بیلدیرلمسی
رجا اولتور .

دیورمی؟ اوت، قادین قوجه سنك باشقه برینه کوز آتدینی کورور؛ یاخود کونك برندم حالندن شهیه دوشه جك اولورسه صافیت حیاتی غائب ایدر. هله زوجندن شهیه لخمیه باشلا دینی آندن اعتباراً قیامت قوبمش دیمکدر.

ذاتاً کرک حکمای شرق، کرک شریعت اسلامیة نك قالقوبده زوج ایله زوجة نك هراکیسنه عفته امر ایتملی، بوتون انسانلری سن بلوغدن اعتباراً هوسات نفسانییه غیجیقلایه جق موافقه کیتیمکدن، قادینلره ارککلری عینی محافله بولونمقندن منع ایلملی نه جناب حق طرفندن نوع بشره ویریلن حریتی غصب ایچوندور؛ نهده قادینلرک خیانتله، اعتماد شایان خصائصدن محرومیتله اتهام ایلملی کی حقسن بر حرکتندور. بونلرک کافه سی بشری اسباب ومواقع فتنه دن اوزاق بولوندیرمق ایچوندور. زیرا بیلیرسکیز که نفس بک ضعیفدر. برده، اوجورم کنارنده دولاشمق البته تهله کسنر بر ایش دکلدور. [۱]

مترجمی: محمد عاکف

عبدالعزیز چاوش

(۱) غربلی قادینک متباق سوزلری کله جک مقاله ده در.

تاریخ اسلام صحائفندن:

مشرکلاک و مسلمانلقده رابطه اجتماعی

معلومدر که بر قومی نقطه واحدهیه جاب و جمع ایدن؛ دین فکری، وطن حسی، لسان و نسب غیرتیدر.

مشرکین عربده عمومی بر دین فکزی اولمادینی کی چوغی قونار، کوچر طاقیمندن بولوندیغندن کندیلرنده بک وطن حسی ده یوقدی. بناء علیه رابطه اجتماع اولاجق یالکیز نسب غیرتی قالیوردی. علی الخصوص بو غیرت، اقرایه معاونت دیمک اولان (صله رحم) کی لازمه انسانیتی ده تأمین ایله یوردی.

شوکی مطالباته بناء مشرکین عرب؛ صهریتله، حلف ایله، استلحاق ایله، اخوتله نسب غیرتی و منتسبینک عددنی آرتیرمایه چالیشیرلر، اقرابانک الک یاقینلریله برلکده اوزاقلریته، اقارب بعیده ایله ده یابانجیلره قارشی طورورلردی.

صهریت: قیز آلوب ویرمک سببیه حصوله کلن قرابت،

حلف: ایکی کیمسه آراسنده معاونت و مظاهرت اوزهرینه

یاییلان معاهده،

استلحاق: برینی نسبیه الحاق، یعنی اولادلوق اتخاذا ایلمک،

اخوت ایسه: ایکی آدام طرفندن یکدیگری برادر عد اولونمق ایدی.

عربلر کی جنک وجدالدن خالی قالمایان وقویسی ضعیفی اوزوب آلسده کینی، آووچنده کینی آلمقندن کری طورمایان بر قومه کورم بونلرده اعتنا ایدیله جک مسئله ایدی. فقط عرب مشرکلری؛ بوقدرله قالمادیلر. آباواجداد ایله اوکونمکدن وقوم وقبیله غیرتیه دوکوشمکدن کنیدیارینی آلامادیلر. (یا فلان) ندای استمدادینی ایشیدنلر؛ استمداد ایدنه حقی، حقسن اولدینی دوشونمه یه لزوم کورمه یه رک سلاحه صاریلدیلر و جزیره العربی دائمی بر معرکه یه چه ویردیلر.

شریعت مطهره اسلامیة؛ نکاح، میراث کی مسائلدن طولای نسب بحثی تأیید ایتمکله برابر عصیت فکرینک القاسی ایچین بونی تقیید ایله دی، یعنی بوتون انسانلرک آدم و حوا نسلندن کلدکلرینی، آجاق بر لرلری طانیاییلملری ایچین شعبه وقبیله لره تفریق ایدیلدکلرینی، انسانک عندالهمیده کی قدری؛ فلان قومدن بولونمقله، یاخود فلانک اوغلی اولمقله دکل، اللهدن قورقوسی نسبتنده اولاجغنی، نسب داعیه سنده بولونوبده او واسطه ایله یوکسه لک ایسته ینلرک یوم قیامتده آلچالاجغنی واجداد مشرکسنی تعداد ایله اصیلزاده لک صاعمایه قالقیشانلرک جهنمده ایدی قاله جغنی بیان بویوردی. اسلامیت؛ نسب فکریله یاییلان حلف، استلحاق، اخوت اصوللری نه ابقایه لزوم کورمه دی. چونکه: مسلمانلق؛ عمومی برقارده شلاک اولدیغندن بالعموم اهل اسلام بر برینک منتسبی دیمکدی.

خلاصه: دین غیرتی؛ مسلمانلق رابطه اجتماعی سی اولادی که اونک مفهومی داخلنده وطنپرورلک، تعاون و تناصر، اخوت دینییه کی مزایای عالییه مندج بولونویوردی.

بوغیرت سایه سنده حقوق بشر نقطه نظرندن عصر نیویده او درجه ده بر مساوات حصوله کلشدی که عربلق، عجملک، افندیلک، کوله لک مثلی اعتباراته بیله اهمیت ویریله مش، سیدالسادات علیه اکمل الصلوات افندیز؛ جناب (سلمان) کی آزادی و ایرانی بر کوله یه «سلمان بزدندر، اهل یتیمزدندر، التفاتندره بولونمش، حضرت عمر کی بر ذات عالی، جناب صدیق حقسنده «ابوبکر افندیزدر، بلال افندیزی آزاد ایتشدور، دیه رک حبشلی بر کوله بولونان بلال حضرتلری ایچین (افندیز) تعیرینی قوللانمش، سلمان فاهسی ده مملکتسنده بویوجک بر آدام اولادی ایکن «بن؛ اسلام اوغلی سلمانم، دیه جک قدر بر تواضع دیندارانه کوسترمشدی. نسب وعصیت غیرتی؛ سوق غفلته اصحاب کرام آراسنده بر قاج دفعه آلونمش وعادتا مقاتله وقوعنه رمق قالمشکن رسالتینام افندیز طرفندن مسیبلری تمیز و حرکتلری تقییح بویورولوب حادثلر باصدیر یلمشدی.

طاهر المولوی